

四庫全書

子部

欽定四庫全書

書苑菁華卷八

宋 陳思 撰

書譜

唐吳郡孫過庭撰

夫自古之善書者漢魏有鍾張之絕晉宋稱二王之妙王羲之云頃尋諸名書鍾張信為絕倫其餘不足觀可謂鍾張云沒而羲獻繼之又云吾書比之鍾張鍾當抗行或謂過之張

草猶當鴈行然張精熟池水盡墨假令寡人耽之若此未必謝之比乃推張邁鍾之意也考其端擅雖未邁于前規據以兼通故無慙于即事評者云彼之四賢古今特絕而今不逮古古質而今妍夫質以代興妍因俗易雖書之作適以記言而浮醜一遷質文三變馳騫沿革物理常然貴能古不乖時今不同弊所謂文質彬彬然後君子何必易雕宮于穴處反玉輅于椎輪者乎又云子敬之不及逸少猶逸少之不及鍾張意者以為評得其綱紀而未詳其始卒也且元常專

工於隸書伯英尤精於草體彼之二美而逸少兼之擬
草則餘真比真則長草雖專工小劣而博涉多優摠其
終始匪無乖互謝安素善尺牘而輕子敬之書子敬常
作佳書與之謂必存錄安輒題後答之甚以為恨安嘗
問敬卿書何如右軍答云故當勝安云物論殊不爾子
敬又答時人那得知敬雖權以此辭折安所鑒自稱勝
父不亦過乎且立身揚名事資尊顯勝母之里曾參不
入以子敬之豪翰紹右軍之筆札雖復粗傳楷則實恐

未克箕裘况乃假託神仙恥崇家範以斯成學孰愈面
牆後羲之往都臨行題壁子敬密拭除之輒書易其處
私為不惡羲之還見乃歎曰吾去時真大醉也敬乃內
慚是知逸少之比鍾張則尚博斯別子敬之不及逸少
無惑疑焉余志學之年留心翰墨味鍾張之餘烈挹羲
獻之前規極慮專精時逾二紀有乖入木之術無間臨
池之志觀乎懸針垂露之異奔雷墜石之奇鴻飛獸駭
之資鸞舞蛇驚之態絕岸頽峯之勢臨危據槁之形或

重若崩雲或輕若蟬翼導之則泉注頓之則山安纖纖
乎似初月之出天涯落落乎猶衆星之列河漢同自然
之妙有非力運之能成信可謂智巧兼優心手雙暢翰
不虛動下必有由一畫之間變起伏於鋒杪一點之內
殊衄挫於毫末况云積其點畫乃成其字曾不傍窺尺
牘俯習寸陰引班超以為辭援項籍而自滿任筆為體
聚墨成形心昏擬效之方手迷揮運之理求其妍妙不
亦繆哉然君子立身務修其本揚雄謂詩賦小道壯夫

所不為况復溺思毫釐淪精翰墨者也夫潜神對奕猶標坐隱之名樂志垂綸尚體行藏之趣詎若功定禮樂妙擬神仙猶埏埴之罔窮與工鑪而並運好異尚奇之士玩體勢之多方窮微測妙之夫得推移之奧蹟著述者假其糟粕藻鑒者挹其菁華固義理之會歸信賢達之兼善者矣存精寓賞豈徒然與是以東晉士人互相陶染至於王謝之族却庾之倫縱不盡其神奇或亦挹其風味去之滋永斯道逾微方復聞疑稱疑得末行末

古今阻絕無所質問設有所會緘祕已深遂令學者茫然莫知領要徒見成功之美不悟所致之由或乃就分布於累年向規矩而猶遠圖真不悟習草將迷假令薄解草書粗傳隸法則好溺偏固自閼通規詎知心手會歸若同源而異派轉用之術猶共樹而分條者乎加以趣變適時行書為要題勒方富真乃居先草不兼真殆於專謹真不通草殊非翰札真以點畫為形質使轉為情性草以點畫為情性使轉為形質草乖使轉不能成

字真虧點畫猶可記文迴互雖殊大體相涉故亦傍通
二篆俯貫八分包括篇章涵泳飛白若毫釐不察則胡
越殊風者焉至如鍾繇隸奇張芝草聖此乃專精一體
以致絕倫伯英不真而點畫狼籍元常不草而使轉縱
橫自茲已降不能兼善者有所不逮非精專也雖篆隸
草章工用多變濟成厥美各有攸宜篆尚婉而通隸欲精
而密草貴流而暢章務險而便然後凜之以風神溫之
以妍潤鼓之以枯勁和之以閒雅故可達其情性形其

哀樂驗燥濕之殊節千古依然體老壯之異時百齡俄頃嗟乎不入其門詎窺其奧者也又一時而書有乖有合合則流媚乖則彫踈畧言其由各有其五神怡務閒一合也感惠徇知二合也時和氣潤三合也紙墨相發四合也偶然欲書五合也心遽體留一乖也意違勢屈二乖也風燥日炎三乖也紙墨不稱四乖也情怠手闌五乖也乖合之際優劣互差得時不如得器得器不如得志若五乖同萃思遏手蒙五合交臻神融筆暢暢無

不適義無不從當仁者得意忘言罕陳其要企學者希
風叙妙雖述猶踈徒立其工求數厥旨不揆庸昧輒効
所明庶欲弘既往之風規導將來之器識除繁去濫覩
迹明心者焉代有筆陣圖七行中畫執筆圖手貌乖舛
點畫湮訛頃見南北流傳疑是右軍所製雖則未詳真
偽尚可發啟童蒙既常俗所存不籍編錄至於諸家勢
評多涉浮華莫不外狀其形內迷其理今之所撰亦無
取焉若乃師宜官之高名徒彰史牒邯鄲淳之令範空

著縑紉暨乎崔杜以來蕭羊以往代祀繇遠名氏滋繁
或籍甚不渝人亡業顯或憑附增價身謝道衰加以縻
蠹不傳搜祕將盡偶逢真賞時亦罕窺優劣紛紜恒難
覩縷其有顯聞當代遺跡見存無俟抑揚自標先後且
六爻之作肇自軒轅八體之興始於嬴政其來尚矣厥
用斯弘但今古不同妍質懸隔既非所習又亦畧諸復
有龍蛇雲露之流龜鶴花英之類乍圖真於率爾或寫
瑞於當年巧涉丹青工虧翰墨既異夫楷式非所詳焉

代傳羲之與子敬筆勢論十章文鄙理疎意乖言拙詳
其旨趣殊非右軍且右軍位重才高調清詞雅聲塵未
泯翰牘仍存觀夫致一書陳一事造次之際所在稽古
豈有貽謀令嗣道叶義方章則頓虧一至於此又云與
張伯英同學斯乃更彰虛誕若指漢末伯英時代全不
相接必有晉人同號史傳何其寂寥非訓非經宜從集
擇夫心之所達不易盡于名言言之所通尚難行于紙
墨粗可彷彿其狀綱紀其辭異酌希夷取會佳境闕而

未逮請俟將來今撰執使轉用之由以祛未悟執謂深淺長短之類是也使謂縱橫牽掣之類是也轉謂鈎環盤紆之類是也用謂點畫向背之類是也方復會其數法歸于一途編列衆工錯綜羣妙舉前賢之未及啟後學于成規窮其根源析其枝派貴使文約理贍迹顯心通披卷可明下筆無滯詭詞異說非所詳焉然今之所陳務裨學者但右軍之書代多稱習良可據為宗匠取立指歸豈惟會古通今亦乃情深調合致使摹榻日廣研

習歲滋先後著名多從散落歷代孤紹非其效歟試言
其由畧陳數意止如樂毅論黃庭經東方朔畫讚太史
箴蘭亭序告誓文斯並代俗所傳真行絕致者也寫樂
毅則情多怫鬱書畫讚則意涉瓌奇黃庭經則怡懌虛
無太史箴又縱橫爭折暨乎蘭亭興集思逸神超私門
誠誓情拘意慘所謂涉樂方笑言哀已嘆豈惟駐想流
波將貽嘽緩之奏馳神睢渙方思藻繪之文雖其目擊道
存尚或心迷議舛莫不強名為體共習分區豈知情動

形言取會風騷之意陽舒陰慘本乎天地之心既失其
情理乖其實原矣所致安有體哉夫運用之方雖由已
出規模所設信屬目前差之一毫失之千里苟知其術
適可兼通心不厭精手不忘熟若運用盡于精熟規矩
閑于胸襟自然容與徘徊意先筆後蕭洒流落翰逸神
飛亦猶弘羊之心預乎無際庖丁之目不見全牛嘗有
好事就吾求習吾乃粗舉綱要隨而授之無不心悟手
從言忘意得縱未窮于衆術斷可極于所臨矣若思通

楷則少不如老學成規矩老不如少思則老而愈妙學
乃少而可勉勉之不已抑有三時時然一變極其分矣
至如初學分布但求平正既知平正務追險絕既能險
絕復歸平正初謂未及中則過之後乃會通會通之際
人書俱老仲尼云五十知命也七十從心故以達夷險
之情體權變之道亦猶謀而後動動不失宜時然後言
言必中理是以右軍之書末年多妙當緣思慮通審志
氣和平不激不厲而風規自遠子敬已下莫不鼓努為

力標置成體豈獨工用不侔亦乃神情懸隔者也或有
鄙其所作或乃矜其所運自矜者將窮性域絕于誘進
之途自鄙者尚屈情涯必有可通之理嗟乎盖有學而
不能未有不學而能者也考之即事斷可明焉然消息
多方性情不一乍剛柔以合體忽勞逸而分驅或恬澹
雍容內涵筋骨或折挫槎枿外曜鋒芒察之者尚精擬
之者貴似况擬不能似察不能精分布猶踈形骸未檢
躍泉之態未覩其妍窺井之談已聞其醜縱欲搪突義

獻誣罔鍾張安能掩當年之目杜將來之口慕習之輩
尤宜慎諸至有未悟淹留偏追勁疾不能迅速翻效遲
重夫勁速者超逸之機遲留者賞會之致將返其速行
臻會美之方專溺于遲終喪絕倫之妙能速不速所謂
淹留因遲就遲詎名賞會非夫心閒手敏難以兼通者
焉假令衆妙攸歸務存骨氣骨氣存矣而適潤加之亦
猶枝幹扶疎凌霜雪而彌勁花葉鮮茂與雲日而相暉
如其骨力偏多適麗蓋少則若枯槎架險巨石當路雖

妍媚云闕而體質存焉若道麗居優骨氣將劣譬夫芳草落葉空照灼而無依蘭沼漂萍徒青翠而奚託是知偏工易就盡善難求雖學宗一家而變成多體莫不隨其性欲便以為姿質直者則徑挺不道剛狠者又崛強無潤矜斂者弊于拘束脫易者失于規矩溫柔者傷于軟緩躁勇者過于剽迫狐疑者溺于滯澁遲重者終于蹇鈍輕瑣者染于俗吏斯皆獨行之士偏玩所乖易曰觀乎天文以察時變觀乎人文以化成天下況書之為妙

近取諸身假令運用未周尚虧工于祕奧而波瀾之際
已濬發于靈臺必能傍通點畫之情博究始終之理鎔
鑄蟲篆陶鈞草隸體五材之並用儀刑不極象八音之
迭起感會無方至若數畫並施其形各異衆點齊列為
體互乖一點成一字之規一字乃終篇之準違而不犯
和而不同留不常遲遣不恒疾帶燥方潤將濃遂枯泯
規矩于方圓遁鈎繩于曲直乍顯乍晦若行若藏窮變
態于毫端合情調于紙上無間心手忘懷楷則自可背

義獻而無失違鍾張而尚工譬夫絳樹青琴殊姿共艷
隋珠和璧異質同妍何必刻鶴圖龍竟慙真體得魚獲
兔猶悵筌蹄聞夫家有南威之容乃可論于淑媛有龍
泉之利然後議于斷割語過其分實累樞機吾嘗盡思
作書謂其甚合時稱識者輒以引示其中巧麗曾不留
目或有誤失翻被嗟賞既昧所見尤踰所聞或以年職
自高輕致凌誚余乃假之以縹緗題之以古目則賢者
改觀愚夫繼聲競賞毫末之奇罕議鋒端之失猶惠侯

之好偽似葉公之懼真是知伯子之息流波盖有由矣
夫蔡邕不繆賞孫陽不妄顧者以其玄鑒精通故不滯
于耳目也向使奇音在爨庸聽驚其妙響逸足伏櫪凡
識知其絕羣則伯喈不足稱良樂未可尚也至若老嫖
遇題扇初怨而後請門生獲書几父削而子懊知與不
知也夫士屈于不知己而伸于知己彼不知也曷足怪
乎故莊子曰朝菌不知晦朔蟪蛄不知春秋老子云下
士聞道大笑之不笑之則不足以為道也豈可執冰而

咎夏蟲哉自漢魏已來論書者多矣妍蚩雜糅條目糾紛或重述舊章了不殊于既往或苟興新說竟無益于將來徒使繁者彌繁闕者仍闕今撰為六篇分成兩卷第其功用名曰書譜庶使一家後進奉以規模四海知音或存觀省緘祕之旨余無取焉垂拱三年寫記

書名

古人能書人名

齊王僧虔錄本
羊欣所撰者

臣僧虔啟昨奉勅須古來能書人名臣所知局狹不辨

廣悉輒條疏上呈羊欣所撰錄一卷尋索未得續更呈
聞謹啟

秦丞相李斯

秦中車府令趙高

右二人
善大篆

秦獄吏程邈善大篆得罪始皇囚于雲陽獄增減大篆

體去其繁複始皇善之出為御史名書曰隸書

扶風曹喜後漢人不知其官善篆隸篆小異李斯見師

一時

陳留蔡邕後漢左中郎將善篆隸採斯喜之法真定宣父碑文猶傳于世篆者師焉

杜陵陳遵後漢人不知其官善篆隸每書一座皆驚時人謂為陳驚座

上谷王次仲後漢人作八分楷法

師宜官後漢不知何許人宜官能隸書大字徑丈小字方寸十言耿球碑是宜官書甚自矜嘗詣酒家先書其壁觀者雲集酒因大售至飲足削書而退

安定梁鵠後漢人官至選部尚書得師宜官法魏武重之常以鵠書懸帳中宮殿題署多是鵠手也

陳留邯鄲淳為魏臨菑侯文學得次仲法名在鵠後毛弘鵠弟子令祕書八分皆傳弘法又有左子邑與淳小異亦有名

京兆杜度為漢齊相始有草名

安平崔瑗後漢濟北相亦善草書平符堅得摹崔瑗書王子敬云極似張伯英瑗子實官至尚書亦能草書

弘農張芝高尚不仕善草書精勁絕倫家之衣帛必先書而後練臨池學書池水盡墨每書云忽忽不暇草書人謂為草聖芝弟昶漢黃門侍郎亦能草今世云芝草者多是昶作也

姜詡梁宣田彥和及司徒韋誕皆英弟子並著草誕書最優誕字仲將京兆人善楷書魏宮館寶器皆是誕手寫魏明帝起凌雲臺誤先釘榜而未題以籠盛誕轆轤長絙引之使就榜書之榜去地二十五丈誕甚危懼比

下乃誠子孫絕此楷法著之家令官至鴻臚少卿誕子少李亦有能稱

羅暉趙襲不詳何許人與伯英同時見稱西州而矜許自夸衆頗惑之伯英與朱寬書自叙云上比崔杜不足下方羅趙有餘

河間張超亦善草不及崔張

劉德升善為行書不詳何許人

潁州鍾繇魏太尉同郡胡昭公車徵二子俱學于德升

而胡書肥鍾書瘦鍾書有三體一曰銘石之書最妙者也二曰章程書傳祕書教小學者也三曰行狎書相問者也三法皆世人所善繇子會鎮西將軍絕能學父書改易鄧艾上事皆莫有知者

河東衛覲字伯儒魏尚書僕射善草及古文畧盡其妙草體微瘦而筆跡精熟覲子瓘字伯玉為晉太保採張芝法以覲法參之更為草藁草藁是相問書也瓘子恒亦善書博識古文

燉煌索靖字幼安張芝仲之孫晉征南司馬亦善草書
陳國何元公亦善草書

吳人皇象能草世稱沉著痛快

滎陽陳暢晉祕書令史善八分晉宮觀城門皆暢書也
滎陽楊肇晉荊州刺史善草隸潘岳誄曰草隸兼善尺
牘必珍足無輟行手不擇文翰動若飛紙落如雲肇孫
經亦善草隸

京兆杜畿魏尚書僕射子恕東郡太守孫預荊州刺史

三世善草篆

晉齊王攸善草行書

太山羊忱晉徐州刺史羊固晉臨海太守並善行書

江夏李式晉侍中善寫隸草弟定子公府能名同式晉中書郎李克母衛夫人善鍾法王逸少之師

瑯琊王廙晉平南將軍荊州刺史能草楷謹傳鍾法晉

丞相王導善篆行

廙從兄也

王恬晉中將軍會稽內史善隸書

王洽晉中書令領軍將軍衆書善尤能隸行從兄羲之

云弟書遂不減吾

恬弟也

王珉晉中書令善隸行

洽少子也

王羲之晉右將軍會稽內史博精羣法特善草隸羊欣

云古今莫二

虞兄子也

王獻之晉中書令善隸藁骨勢不及父而媚趣過之

羲之子

第三子也兄元之徽之兄子淳之並善草行

王允之衛將軍會稽內史亦善草行

舒子也

太原王濛晉司徒左長史能草隸子修瑯琊王文學善隸行與羲之善故法窮其妙早亡未盡其美子敬每省修書云咄咄逼人

王綏晉冠軍將軍會稽內史善隸行

高平郗愔晉司空會稽內史善章草亦能隸郗超晉中

書郎亦善草

愔子也

潁川庾亮晉太尉善草行庾翼晉荊州刺史善隸行時

與羲之齊名

亮弟也

陳郡謝安晉太傅善行書

高陽許靜民鎮軍參軍善隸草義之高足

晉穆帝時有張翼善學人書寫義之表表出經日不覺
後云幾欲亂真

會稽隱士謝敷胡人康昕並攻隸草


飛白本是宮殿題八分之輕者全用楷法吳時張弘好
學不仕常着烏巾時人號為張烏巾此人特善飛白能

書者鮮不好之

自秦至晉凡
六十九人

傳授筆法人名

蔡邕授于神人而傳之崔瑗及女文姬文姬傳之鍾繇
鍾繇傳之衛夫人衛夫人傳之王羲之王羲之傳之王
獻之王獻之傳之外甥王欣王欣傳之王僧虔王僧虔
傳之蕭子雲蕭子雲傳之僧智永智永僧傳之虞世南
虞世南傳之于歐陽詢詢傳之陸柬之柬之傳之姪彦
遠彦遠傳之張昶張昶傳之李陽冰陽冰傳徐浩顏真
卿鄆彤常玩崔邈凡二十有三人文傳終于此矣



書苑菁華卷八

欽定四庫全書

子部

書苑菁華卷十九

詳校官中書臣孫溶

編修臣程嘉謨覆勘

總校官編修臣王燕緒

校對官中書臣李斯咏

謄錄監生臣陳瑞

欽定四庫全書

書苑菁華卷九

宋 陳思 撰

述書賦上

論周至唐一十三代工書史籍等二百七
人署証徐僧權等八人印記太平公主等

十一家述作梁武帝等十一家徵求寶翫
韋述等二十六人利通貨易穆聿等八人

前檢校刑部員外郎竇泉撰

按墨池編作
竇泉此作竇

泉後竇蒙跋稱其字靈長按靈長二字出江賦
於泉意近當作泉是賦內印記一段有並錢竇

泉注云泉范陽功曹
然則泉乃另一人也

檢校國子司業竇蒙注

古者造書契代結繩初假達情浸乎競美自時厥後迭
代沿革撲散務繁流源遂廣漸備楷法區別妍蚩洎于
我唐天寶末國有寇難府庫傾覆散墜閭閻既而興復
京都所司徵購得其歸者蓋寡矣余至德中往往偶見
祛積年之遐想駭此生之新觀雖欣鄙夫之幸遇實為
吾君之痛惜恨沉草莽上達無階因記彼而銜求願沾
諸而善價然為監臨動靜公私貿遷徒暫披玩終歸他

夫今記前後所親見者并今朝自武德以來迄于乾元之始翰墨之妙可入品流者咸亦書之

周一人史籀秦一人李斯漢二

人蔡邕杜操魏五人韋誕虞松司馬師司馬昭鍾會吳二人皇象賀劭晉六十三人齊獻王元帝成帝康帝孝武帝武陵王會稽王楊肇山濤嵇康張翰蔡克顧榮劉琨孔侃孔瑜陶侃熊遠應詹卞壺劉超謝藻庾亮庾惔庾昱庾準郝鑒郝愔郝墨郝超郝儉之郝恢謝尚謝奕謝安王導王劭王珉王羲之王獻之王廙王濛王述卞潭何充劉納劉琰張澄劉璞張昱桓溫桓玄江淮沈嘉劉懷之劉厥范汪范甯諸葛長民劉穆之溫放之楊羲

宋挺宋二十五人武帝文帝孝武帝明帝南平王海陵王謝靈運謝方明張茂度張永羊欣孔林之薄紹之王敬弘王思立顏峻拒護之駱簡蕭思話龐秀之巢尚之裴松之徐爰江僧步賀道力齊十五人齊高帝武帝竟

陵王褚淵褚貴徐孝嗣王僧虔王松王志王儉劉闕顧
中光胡楷之徐希秀張融梁二十一人武帝簡文帝邵
陵王孝元帝蕭確蕭子雲王克陸果任昉傅時宋奕王
籍殷鈞阮妍王褰蕭時庾肩吾陶弘景江奮周弘讓范
懷鈞陳二十一人武帝文帝陽帝沈后新蔡王廬陵王
永陽王桂陽王釋智永智果江總徐陵沈君理袁憲毛
喜蔡景歷蔡徵顧野王戴知道謝朓賀朗北齊一
人劉珉隋五人劉元平房彥謙盧昌衡趙文深趙
孝遠唐四十五人神堯皇帝文武聖皇帝則天武后睿
宗開元皇帝漢王元昌岐王元範李懷琳歐陽詢歐陽
通虞世南虞纂虞漢褚遂良陸柬之薛稷房玄齡殷仲
容王知敬王紹宗孫過庭張旭賀知章徐嶠之徐浩李
造韓擇木田琦衛包蔡有璘鄭廷李權李樞李平鈞王
維王縉史惟則李陽冰家舅繪夷兄明若山永璆蕭誠
張從申呂向長兄普應親見者所言並錯綜優劣直道
蒙馬氏妻劉大妹

公論或理盡名言即外假興諭雖闕標舊品而奉寄斯
文刊訛誤于形聲定目存于指掌其所不覩空居名額
并世所傳榻者不敢憑準一皆畧焉其詞曰

嘗考古而閱史病賤目而貴耳述勛庸而任人揮翰墨
而由己則知親矚延想而見君子量風雅之足憑奚卷
舒之能已古猶今也斯得美矣雖六藝之末曰書四民
之首曰士書資士以為用士假書而有始豈得長光價

于一朝貌榮名于千里

王羲之書戴山姥作角扇五字
字索百錢人競買去梁元帝書

亦云千里之外見者以為能矣篆則周史籀秦李斯漢有蔡邕當代稱

之俱遺芳刻石永播清規籀之狀也若生動而神憑通

自然而無涯遠則虹紳結絡近則瓊樹離披斯之法也

馳妙思而變古立後學之宗祖如殘雪滴溜映朱檻而

垂冰蔓木含芳貫綠林以繩直伯喈三體八分二篆蔡

戟彎弧星流電轉纖逾植髮峻極層巘周及漢之三賢

余目驗之所先石雖貞而云亡紙可寄而保傳史籀周宣王時

史官著大篆教學童岐州雍城南有周宣王獵碣十枚
並作鼓形上有篆文今見打本吏部侍郎蘇勗叙記卷

首云世咸言筆蹟存者李斯最古不知史籀之迹近在關中即其文也李斯上蔡人終秦丞相作小篆書嶧山碑後其石毀失士人刻木代之於斯石上本差稀又至德中安史敗後四從弟沼于河陽清水渠下得傳國璽其文曰受命于天既壽永昌點畫皆隱起作龍鳥側文小篆曰魏所受漢傳國璽背上螭螭一角折鼻尖有黃疵瑕按驗漢牒乃無差外云斯所書蔡邕字伯喈陳留人終後漢左中郎將今見打本三體石經四紙石既尋毀其本最稀惟後島及光中等碑時時可見

草分章體華啟伯度時君重而立

名自我行而作故掣波循利創質畜怒

杜操字伯度京兆人終後漢齊

祠章帝貴其蹟詔上章表故號章草魏之仲將奮藻獨步或迸泉湧溢或

錯玉班賦跡遺情忘契入神悟然而負才藝履危懼膏

明自煎鬢髮改素生非其代庸惜不遇名微格高復見

叔茂體裁簡約肌骨豐嫵如空凝斷雲水泛連鷺

韋誕字仲

將京兆人終魏光祿大夫時凌雲臺或先設釘榜明帝使誕坐籠以輓轆引上就書去地至十五丈及下鬢髮

皓然虞松字叔茂會稽人終魏中書令大司農

挹子元之瓌蹟高子上之雄神

量蘊文儒才苞古真或寄詞達禮任道懷仁或仰則鍾

繇平視衛臻如晴郊駟馬維岳降神

司馬師字子元河內人終魏錄尚書

事大司馬忠武公及炎受禪追尊曰景皇帝弟昭字子上終魏相國錄尚書事封文王追尊文皇帝觀士

季之軌轍審鍾家之超越將遺古而偕能與象賢而蹈

拙如後生之可畏實氣蓋于前哲

鍾會字士季隸州人
蘇子終魏征西將軍

吳則廣陵休明朴質古情難以窮真非可學成似龍蟄

蟄啟伸盤復行

皇象字休明廣陵人
終侍中吳青州刺史

賀氏興伯同時異

體瘠而不踈逸而寡禮等殊皇賀品類兄弟

賀邵字興伯吳興人

終吳太子太傅

司馬氏之受禪炎為帝祖偉哉齊王手蹟目覩

翰墨之外仁賢是優重則突兀嵩華輕則參差斗牛

司馬

攸字大猷文帝第二子武帝弟
封齊獻王官至侍中大司馬

逮乎龍化東遷景文興

嗣天然俊傑毫翰英異元帝之用筆可觀世踰之呈規

仰似如發硎刀虎駭鴉貽懦夫喪精劍客得志

元帝諱睿字景

文東朝中興之主當東遷諺曰三馬浮渡江一馬化為龍即其人也成帝則生知草意穎

悟通諳光使畏魄青疑過藍勁力外與古風内含若雲

開而乍覩晴日泉落而懸歸碧潭

成帝諱衍字世浪元帝孫明帝子

康

帝則幼少閒慢迥出凡境駟馬安車不尚馳騁

康帝諱岳字世

同成帝弟真率孝武不規不矩氣有餘高體無所主若露滋

蔓草風送驟雨

孝武皇帝諱曜字昌明簡文子

赳赳道叔遠淳邇俗全

姓名而孰多議風度而不足元子憚其威武吾徒遵其

軌躪

武陵王晞字道叔明帝弟

道子雅薄綿密纖潤露輕藏沉假曲

躡峻猶尺水之含衆魚小山之擬萬仞

會稽王道子孝武帝子

李

初則隱姓名展纖勁寫榻共傳賞能交盛猶踞牙鉤爪

越超陷井

楊肇字季初榮陽人晉荊州刺史

巨源正書朴畧仍餘染翰

忘筌寄情得魚若拔賢草澤匿銳茅廬

山濤字巨源河內人晉侍中司

徒

叔夜才高心在幽墳允文允武令望令聞精光照人

氣格凌雲力舉巨石芳逾衆芬

嵇康字叔夜譙國人也晉中散大夫

季膺

有聲古貌磅礴雖無名驗攀附張索如凝陰斷雲垂翹

一鶚

張翰字季鷹吳郡人晉大司馬

子尼簡約片月孤峯千歲之下森

森古容

蔡克字子尼陳郡人晉成都在王掾子謨過江食蟹遇毒者本朝尚書僕射

彥先尚質

無而不有崆峒之上世俗誰偶

顧榮字彥先吳郡人晉驃騎將軍

越石

偉度批糠翰墨乃如不伐樹而愛人示問鼎而在德

劉琨

字越石中山人晉太尉

敬思敬康二孔殊芳思行則輕利峭峻類

驚虬逸駿康草則古質鬱紆如落翮摧枯

孔侃字敬思會稽人晉太

尉孔瑜字敬康會稽人晉車騎將軍

雍容士行李孟公旅肌骨閒媚精神

慢舉如辭山登朝混迹雜處

陶侃字士行秣陵人晉侍中大將軍

孝文剛

斷謹正援毫古雖拙利今稱且高如貴胄之躍駿武貴

之操刀

熊遠字孝文豫章人晉大將軍長史

思遠則藁草懸解筆墨無在

真率天然忘情罕逮猶雀羣之飛廣厦小魚之戲大海

應詹

字思遠汝南人晉鎮南大將軍

望之之草際古而老落紙筋盤分行

羽抱如充仞多士交連雜寶

卞壺字望之濟陰人晉侍中驃騎大將軍

體大

法殊實推世瑜稟天然而自強亂帝札而見拘猶朝廷

宿舊年德相趨

劉超字世瑜瑯琊人晉衛尉零陵忠侯起手筆與元帝相類自職居近密遂絕

其餘外交書也

叔文法鍾纖薄精練用筆雖巧結字未善似漸

陸之遵鴻等窺巢之乳燕

謝藻字叔文會稽人晉中書侍郎

博哉四庾

茂以六郄三謝之盛八王之奇至如張骨慢轉逸足難

追斷翰蓬征拖蔓葛垂任縱盤薄是稱元規

庾亮字元規潁川人

晉太尉

遺古效鍾叔預高蹤雖穩密而傷浮淺猶葉公之

愛畫龍

庾懌字叔預潁川人晉衛將軍

積薪之美更覽稚恭名齊逸少

墨妙所宗善草則鷹搏隼擊工正則劍鐔刀鋒愧時譽

之未盡覺知音而罕逢其荒蕪快利彥祖為容似較狡

兔於大野任平陂之所從

庾翌字稚恭晉車騎將軍懌與翌並亮從弟庾準字彥祖

希子亮將晉
豫州刺史

道徽之豐茂宏麗下筆而剛決不滯揮翰

而厚實深沉等漁父之乘流鼓枻高平奕葉盛德遺能
方回重熙接翼嗣興回則章健草逸發翮廉稜若冰澤
泉湧雲奔龍騰密壯竒姿撫蹟重熙若投石援距怒目
揚眉景興當年曷云世乏正草興利脫畧古法蹟因心
而謂何為吏士之所多惜森然之俊爽嗟蔑爾于中和

處約道脩家之後俊狂草勢而兄優謹正書而弟潤俱

始登于學次慙一虧于九仞

郗鑒字道徽高平人也晉
太宰郗愔字方回墨字重

熙並鑒子情晉司空曇晉中郎將昭字景興愔子晉臨海太守儉之字處約晉太子率更令恢字道肩晉鎮軍將軍處約道謝氏三昆尚草特峻猶注飛澗之瀑溜投肩並是曇子

金牛之虛刃達士逸蹟乃推無奕毫翰云為任興所適能

事雅量末歸安石至夫蘊虛靜善草正方圓自窮禮法

拘性猶恒德之仁智應物之龜鏡恨其心懼景興書輕

子敬塞盟津而捧土損智力有餘病

謝尚字仁祖陳郡人晉散騎常侍謝

奕字無奕晉鎮西將軍謝安字安石尚弟晉侍中太傅安得獻之書時斷作紙夾焉業盛瑯琊茂

弘厥初衆能之一乃草其書將已潤色前範遺芳後車

風稜載蓄高利有餘類賈勇之武士等相驚之戲魚有

子敬倫蹟存目驗以古窺今調涉浮艷尚期羽翼鴻漸

芝蘭香染與兄勝而弟負將奢也而寧儉繩繩宜爾傑

出李琰露鋒芒而豁懷傍禮樂而無檢猶搏扶搖而坐

致超峻極而非險

王導字茂宏瑯琊人晉丞相謚曰文獻公王劭字敬倫即導子晉車騎將

軍兄即恬洽子珉字季琰晉中書令

然則窮極興旨逸少之始虎變而百

獸踰風加而衆草靡肯縈遊刃神明合理雖興酣蘭亭

墨仰池水武未盡善韶乃盡美猶以為登泰山之崇高

知羣阜之迤邐逮乎作程昭彰褒貶無方穠不短纖不
長信古今之獨立豈末學而能揚幼子子敬創草破正
雍容文經踴躍武定態遺妍而多狀勢由已而靡罄天
假神憑造化莫竟象賢雖知乎百中偏悟何慙乎一聖
斯二公者能智方祁氏之奚午天性近周家之文武誠
一字而萬殊且含規而孕矩然而真蹟之稱獨標侯侯
忘本世心余所不取何哉但得于書法失于背古是知
難于渾樸言可以為斲磨主矣

王羲之字逸少晉右軍將
軍幼子獻之字子敬晉中

書

溫溫伯輿亦扇真風風流之表軒冕之中骨體慢正

精彩冲融已高天然恨泛其功如承奕葉之貴胄脩夙

諷之神童

王廐字伯輿即尊孫
蒼子晉司徒左長史

粵若太原之英二子間

生仲祖慕元常之則懷祖通文獻之情方言慕而我愧

比叔文

謝藻

而此榮習所通而不及參放之

溫放之

而先鳴結

束體正肆力專成猶棟梁富于合抱巧匠斲而未精

王即

蒙也高利迅薄連屬歆傾猶鳥避羅而四側泉激石而分橫

即王述也王濛字仲祖太原人晉金紫光祿
大夫王述字懷祖太原人晉尚書令蓋田侯

若夫反古

不忘我推世康似無逸少而稟元常猶落太階之冀英

掇祕府之芸芳

丁潭字世康會稽人固孫彌子晉散騎常侍

次道淳實寡于

風彩自是雄姿翰墨具在如士大夫之京華遊處參貴

胄而膚質未改

何充字次道廬江人庾亮舅晉侍中司空

行仁靡雜惟鍾是

師悅端閒于高軌能終始于清規雖帶偏薄亦能隣幾

若鳳雛始備于五彩長松僅攀乎一枝

劉綯字行仁瑯琊人晉散騎常

侍

真長則草含稚恭之厚茂正邇越石之羈逸輕泛森

稍穠媚藻緡落衆木于秋杪狎羣鷗于水曲

劉琰字真長沛郡人

晉丹陽尹國明勵躬鍾氏餘風壯利纖薄守雌知雄如道門

之子仙路時通張澄字國明吳郡人加之子晉光祿大夫猗與子成狗蹟過

名正隸敦實藁草沉輕元常高風雖踈復呈猶不考擊

之鐘鼓含律呂之音聲劉璞字子成南陽人晉光祿勳即得道南岳魏夫人子夫人魏

舒女父義晉河內修武令君祖馳馭藝忝令譽窮正驗草而罕逮其

能作偽亂真而未可為據正企鍾而攸邈草師王而莫

著與夫敬仁道羣王修江灌或拔茅以連茹猶銳意鵬舉致

身鷹翥張翌字君祖下邳人晉東海太守時穆帝令翌寫王右軍手表帝自批後右軍殆不能別久乃

悟曰小人元子正章厚而不倫若遺翰墨猶帶真淳似

幾欲亂真山林之樂道非玉帛之能親

桓溫字元子譙國人彝子晉丞相大司馬南郡宣武

公敬道耽玩銳思毫翰依憑右軍志在凌亂草任逸而

有度正踈澁而猶憚如浴鳥之畏人等驚波之泛岸

桓玄

字敬道溫子歷晉義興太守自署丞相僭號曰楚

道羣閒慢氣格自充始習新

制全移古風與伯輿之合極

王

若子敬之童蒙猶富禮

樂之世胄備神彩于厥躬

江灌字道羣陳留人晉侍中中護軍

長茂章勢

既捷而踈慕王不及獨斷所如猶驚鳥擊搏而失中因

蹭蹬于古墟

沈嘉字長茂吳郡人晉興與太守

元寶剛直兩王之次骨

正力全軌範宏麗凌突子敬病于輕肆同變武而習文

若訪龍而得驥

劉瓌之字元寶沛國人晉御史中丞義城伯

季舒纖勁循古

有禮遇稀難評惟署一啟

劉廙字季舒會稽人晉光祿大夫

順陽筆精

我見立平近瞻元常俯視國明

張澄利且掩薄能多似生

如班輸之運斧乏棟樑以輕營

范汪字元平順陽人晉安北將軍

武子

正筆頗全古質去凡忘精任樸不失猶高人之與釋子

志由道而秉律

范甯字武子注子晉中書侍郎

長民則全效子敬便于

性分宏逸生于天機衆妙揔而獨運凌所師而小薄壯

若己而不紊猶豁其流而氷開殷其響而雷奮

諸葛長民瑯琊

人晉輔國將軍宣城内史道和閒雅離古躡真慢止由德高蹤絕塵

若昂藏博達之士謇諤朝廷之臣

劉穆之字道和東苑人晉侍中司徒放

之率爾草捷筆力豈忘保持足見準則猶片錦呈巧細

流不極

溫放之太原人嶠子晉黃門侍郎

楊真人之正行蕙淳藝之相

成方圓自我結構遺名妙舟楫之不繫混寵辱以若驚

真人諱義弘農人宋珽訛緊足光利用習古者或以為輕日新

者必因而重猶撲散而分形器務成而立賦頌

宋琨廣平人晉

相府參軍

宋武德輿法含古初見答道和之啟未披有位之

書觀其逸毫巨麗載兆虎變高躅莫究其涯雄風於焉

已扇猶金玉鑲璞包露貴賤

劉裕字德興彭城人翹子晉太尉中書監封宋公後

受禪稱宋武帝

皇矣文帝天知正隸舉已達于縱橫攀王媚於

緊細向精專而習熟幾可與之興替尚膽擊水之鵬搏

且並聞天之鶴唳

文帝諱義隆武帝第一子

孝武則武威戡難翰墨

馳聲雖稟訓而已高恨一簣而未成徒忌人之賢已異

及父之令名與思話而雄強追彥琳而愧恥若夷狄之

佳麗慕顏容于桃李

孝武帝諱駿字休龍武帝第三子

太宗徽音用壯

之心遺棄鄙野不無高深快突俗工匠古憐今冠祖梨

之下果怯鸞鳳之珍禽

明帝諱或字休炳孝武帝弟

南平休元筆力

自全幼齡結構老成天然比夫鳥在轂龍潛泉符綵卓

爾文絢粲然

南平王鑠字體元文帝第四子

休茂尚冲已工法則長于

用筆結字短于精神骨力性靈可觀運用未極猶鳬雛

鵠子初備羽翼

海陵王休茂文帝第十四子

後見三謝兩張連輝並

俊若夫小王風範骨秀靈運快利不拘威儀或擯猶飛

湍激天電注雷迅

謝靈運陳郡人
宋時中祕書監

方明寬和隱媚且潤

如幽閒女德禮教士脣

謝方明陳郡人惠
連父宋會稽太守

茂度逸翰景

初清規或大言而峻薄

景初對文帝云且恨
二王不得臣之體

或寡譽而

拙奇

王僧虔書用
拙筆以自容

並心輕兩王蹟及宗師擬鶴鳴而子

和殊鯉退而學詩

張茂度吳郡人敬子宋會稽太守
張永字景初茂度子宋征西將軍敬

元則親得法于子敬雖時移而間出手稽無方寸敏與

術磅礴而不忘本分縱橫而粗得師骨遇得合時彷彿

唐突猶圖騏驥而莫展素真仙而非實爾後王羊謬同
衆靡餘風彥琳敬叔允執厥中孔則愈于緊速病于枯
偏超舉之餘窺羊及肩猶蓬瀛心想護武風傳競其風
利又覩薄氏纖圓克成骨力猶稚精彩潤密乃誠莫二
掩友凌師抑亦其次雖鋤無金價而珉實玉類羊欣字敬元太
山人不疑子宋中散大夫與立通護同受獻之筆法所
言王羊謬同諺云買王得羊不失所望言虛也孔琳之
字彥林會稽人宋太常卿薄紹之字敬
叔丹陽人宋給事中與羊孔並師二王淮水茂族敬弘
不墜故朝餘風翰墨兼至既約古而任逸亦遺能而獨

駃猶叛埏植于昔人全朴畧而成器

王敬立瑯琊人導孫宋侍中左光祿

大夫蔓衍枝派思立不忘穩厚而無法度淳和而蓄鋒芒

猶君子自適順時行藏

王思立瑯琊人宋南康太守

顏氏儒門士遜

墨妙大令典則中散氣調薄首孔肩體格惟肖如驚絃

履險避地膺峭

顏峻字士遜瑯琊人延之

桓公護之神

疑筆遲富雅景乏士規猶門寒道高衣薜言詩

桓護之子彥宗

洛陽人宋

寧翔將軍翩翩正祖恭已法則師資小王深入閫域安

知逸氣未詳筆力猶驥異真龍紫非正色

駱簡字正祖丹陽人宋鉅

野令思話錦密緩步娉婷任情工隸師羊過青似鳬鷗鴈

驚游戲沙汀

蕭思話蘭陵人宋征西將軍丹陽尹

二王變古法有所屬兢

兢秀之斂翰謹束如仙童樂靜不見可欲

龐秀之宋江州將軍

仲

遠循常由衆邇俗企彥琳之墻仞遵茂度之軌躅宣聞

一而得三同出吳而入蜀

巢尚之字仲遠魯國人宋寧翔將軍

世期旁通

掘強斷利叅方回

郗愔

之章法得敬元

羊欣

之草意匪庖丁

之解牛同君子之不器

裴松之字世期河東人宋散騎常侍大中大夫

長玉靡

慢神閒態穠荷小王之偉質錯明帝之高蹤執德而風

塵不離發言而禮義攸從

徐爰字長玉瑯琊人本名瑗避傅亮諱除玉宋大中大夫

江侯僧安捷利而乾貌兼輕媚體出多端猶廣庭之卉

木小苑之峯巒

江僧安陳留人宋太子中庶子

道力草雄圓轉不窮壯

自躬之體格瘦逸少之遺風獨立言而逍遙出世驗迹

乃夙夜在公

賀道力會稽人宋吳興令

齊高則文武英威時來運歸

挺生紹伯墨妙翰飛觀乎吐納僧虔擠排子敬昂藏鬱

拔勝草負正猶力稽牛刀水展龍性

蕭道成字紹伯蘭陵人永之子宋右

僕射太尉封十郡為王及受禪即位稱齊高帝

世祖宣遠象賢豈敢仰英規而

無功超筆力而有膽莫顧程式率由胸襟能騁逸氣未忘

童心若橫波束薪泛濫淺深

武帝諱熙字宣遠高帝長子

子良則能

知未善心遠蹟邇家風若遺古則翻鄙雖有力而無體

將從真而自美猶土階茅茨儉德之始

竟陵王子良武帝子

彥回

無節華翰亦爾決利不拘足用而已如拔楓柳抑亦杞

梓

褚淵字彥回河南人宋末與高帝同堂樞密後齊臺建以佐命功受司徒中書監

蔚先忠良

自我名揚老成不虧和雅允藏若窮隱肥遯志傲侯王

褚賁字蔚先淵之子齊秘書監因父憂免職使不仕時人以為恥父失節于宋室遂爾屏營

非禮不

言從容始昌如碩德君子道義難亮而盛德有素筆精

源長

徐孝嗣字始昌東海人齊太尉尚書令

簡穆父子載茂餘芳僧虔則

密緻豐富得能失剛鼓怒駿爽阻圓任強然而狀高氣
全耿介鋒芒發卷伸紙滿目輝光才行兼而雙絕名實
副而特彰如運籌決勝威震殊方伯寶次道並資義訓兄
則雜而外兼稟家君子已分弟則纖薄無滯過庭益俊

並能寬門墨妙逸速毫奮比達士與君子人不知而不

愠仲寶同夫季舒署名莫窺牆仞

王僧虔琅琊人墨首子齊尚書令簡穆公

王慈字伯寶王志字次道並僧虔子慈齊侍中冠軍弟志齊侍中吏部尚書王簡字仲寶僧綽子齊尚書

茂

謙則壯而不密騁志恒俗輕師模任縱欲如勇夫格獸

徑越林麓

劉撫字茂謙彭城人齊太子洗馬御史中丞

寶光諧之同調合韻

差池去就羽翮齊振依蕭附王

道成僧虔

俱曰慕蘭論骨氣

而胡壯驗精神而顧峻猶岸柳之先春得地連于河潤

顧保光吳郡人齊司徒右西掾胡諧之南昌人齊度支尚書

希秀之蹟敬叔之倫

薄紹

之正則謹促有度草則拘檢靡伸如儉德君子清朝士

人

徐希秀瑯琊人齊驍騎將軍

思光逸才揮翰無滯超寶光之力從

僧虔之制越恒規而涉往出衆格而靡繼如塞路蓬轉

摩霄鳶唳

張融字思光吳郡人齊司徒左長史

梁則高祖叔達恢弘厥躬

泯規矩合童蒙文勝質而辭寡明察衆而理窮猶巧匠

琢玉心愜雕蟲

蕭衍字叔達蘭陵人順之子齊左僕射征東將軍封梁主及受禪即位稱梁武

帝簡文慕鍾不瑕有害傲景喬而含古蕭子雲肩邵陵而

去泰

簡文帝諱綱字世替武帝第三子

世調則氣吞元常若置度內方

之惠達

蕭特

旨趣猶昧擅時譽而徒高考遺蹤而罕逮邵陵

王綸字世調

孝元不拘快利睢盱習寬疎于一體加緊

薄而小殊雖數君之翰墨稱天倫之友于皆可比蘭菊

殊芳鴻鴈異軀

孝元帝諱繹字世城武帝第七子

仲正則寬而壯賒而

密婆娑蹒跚綽約父質稟庭訓而徵過任天然而自逸

若衆山之連峯探仙洞而不一

蕭確字仲正綸子梁廣州刺史永安侯

景

喬則潤色鍾門性情勵已豐媚輕巧纖慢旖旎詩雖易

其國風賜豈賢于夫子猶鸞窺鏡而鼓翼虎不啞而履

尾

蕭子雲字景喬蘭陵人梁侍中國子祭酒

名劣筆捷巧逢王克通流未精

踈恢不忒猶腐儒宿士運用自得

王克瑯琊人梁尚書僕射

陸果迅

熟駛捷遺能任縱便無風稜如郊烟羽獵賊奔騰

陸果

吳郡人梁光祿大夫揚州大中正

體雜閒利觀夫彥昇構牽掣而無法

任胸懷而足憑猶注懸泉咽凝冰

任昉字彥昇樂安人梁吏部侍郎嘗著作

茂遠捷銳足以自給彥和達環迅不可及如過雨之奔

簷雷飛爆之赫原隰

傅昭字茂遠北地人梁祕書監金紫光祿大夫貞之子朱昇字彥和

吳郡人中領軍右僕射

文海緊快勢逸氣高未忘俗格銳意標刀

猶樂成名于朝野嗤遁迹于蓬蒿

王籍字文海瑯琊人僧虔之子梁左唐令

季和慢速風規所屬圖轉頗通骨氣未足

殷鈞字季和陈郡人梁國

子祭酒 文機纖潤穩正利草輒媚橫流姿容美好若其抑

阮褒殷庶幾同塵似泉激溜于懸磴木垂條于晚春阮研

字文機陳留人交州刺史 惟子深與惠達總景喬之幼志俱親佛毫同

陪結字深正穩而寡力達草寬而豐意或比父而踈省

或過師而巧媚誰與別其羅紉且欲同乎筐筥王褒字子深瑯

瑯人規子梁尚書僕射蕭特 肩吾通塞併乏天性工歸

文華拙見草正徒聞師阮何至遼曼使鉛刀之均鋒稱

並利而則佞庾肩吾字子慎新通明高爽緊密自然擺

子人梁度支尚書

闔宋文峻削阮研載窺逸軌不讓真仙猶龍髯鶴頓奮

舉雲天

陶弘景字通明丹陽人隱居山林武帝朝謚貞白先生

彥淵氣懦任力或

滯猶翮短風高昇沉靡制

江蘧字彥淵濟陽人梁吏部侍郎

弘讓迅快

放誕可觀利疾速著輕乾若星居僻陋蔓本樛盤

周弘讓汝

南人弘正弟

蠹蠹懷約任已作制若孤陋儒生辛勤一藝

范懷約吳

郡人梁東

宮侍書

書苑菁華卷九

欽定四庫全書

書苑菁華卷十

宋 陳思 撰

述書賦下

爰及陳氏霸先荆業盤桓有威牢落無法王師憑怒挫衄

攻劫嗟文煬而不知徒染毫而敗法

陳霸先潁川人父讚之歷梁司空丞相封為陳

公後受禪即位稱陳武帝文帝諱倩字子

華武帝子煬帝諱叔寶字元秀宣帝子

沈氏后德名標

發華元光親署獨美可嘉如晚晴陣雲傍日殘霞

煬帝后沈氏吳

興人君叔濟鬱然名押而已伯仁軟慢尺牘近鄙欽榮之力

舉雖師心而入流高踈壯浪復覩伯謀並如策馬馳逐葦航泛

浮

新蔡王叔濟字子蕭煬帝弟官至侍中國子祭酒廬陵王伯仁字受之煬帝子官至光祿大夫中武將軍永陽王伯智

字榮之廬陵王弟官至右翊將軍桂陽王伯謀字深之永陽王弟官至丹陽尹智永智果禪林等

精天機淺而恐泥志業高而克成或拘疑重蕭索家聲

或利流通周章擅名猶能作緇門之領袖為當代之準繩

並如君子勵躬於有道高人保志而居貞

會稽永攸寺僧智永俗姓王氏

右軍孫僧智果會稽人

坡陀揔持獨步方外甘率性而衆異非接武于

興會若時違隱淪卒不冠帶

江總字總持濟陽人陳尚書令

孝穆鄙重

剛毅任拙猶偏裨武夫膽勇智劣

徐陵字孝穆東海人陳右僕射

仲倫

則快速無度馳突不踈尺題已終筆勢仍餘似逸籠檻

之衆鳥恣飛鴻之所如

沈君理字仲倫吳興人陳尚書吏部郎中駙馬都尉

德章

率爾流浪急速骨氣乍高風神入俗符縱志而失道等

潰河與顛木

袁憲字德章陳郡人陳右僕射

快哉伯武心空手敏古風

若遺令範惟允如平郊逸驥晚景飛隼

毛喜字伯武滎陽人陳吏部尚

書翩翩濟陽茂世希祥任樸無聞適俗不忘父輕而迅

子凜而強

蔡景歷字茂世濟陽人陳度支尚書子敬希字祥陳中書令

接武隨波雷

同野王異磽肥之挺質俱竹柏之凌霜

顧野王字希馮陳黃門侍郎領

大著

知道則寬疎施慢無可取則削凡取異常病室塞

猶崖陸縱獺艱辛騁力

伏知道昌平人陳鎮北長史

含茂悠悠荐臻

同德迫時季而陵替俱道喪于翰墨徒塵鹿為後先非

勝負可差忒

謝道字含茂陳郡人陳中書令

賀氏曰朗雖非動人不事

筆力猶見精神三者若官遊旅泊衣此風塵

賀朗會稽人陳祕書

監

蕭條北齊浩汗仲寶劣充凡正備法繁草遐師右軍

歟爾由道究千變而得一乘薄俗而居老如海岳高深

青分孤島

劉珉字仲寶彭城人考英子北齊三公郎中

文深孝逸獨慕前蹤

至師子敬如欲登龍有宋齊之面貌無孔傳之心胸

趙文

深天水人後周為書學博士書迹為時所重孝逸湯陰人隋四門助教深師右軍逸效大令甚有功業當平梁之後王褒入國舉朝貴胄皆師于褒惟此二人獨負二王之法俱入隋臨二王之迹人間往往為貨耳

隋

則玄平嗣芳訛熟名揚彥謙草力浮緊循常糟粕右軍

之化依稀夫子之牆皆如益星榆之衆象無月桂之孤

光

劉元平珉之子字高道隋贈貴範先生房彥謙清河人司隸刺史

昌衡跌宕率爾而

作雖蔑法而或乖乃由衷而不忤似野筭成竹長風隕

籀

盧昌衡字子均
范陽人隋侍中

我巨唐之膺休一六合而闡幽武功

定文德修高祖運龍爪陳睿謀自我雄其神貌冠梁代

之徽猷

神堯皇帝隴西李氏諱淵仕隋官至殿內少監
右驍衛將軍大丞相封唐王及受禪即位革隋

為唐又王右軍書位作爪形時觀者號為龍
爪書高祖師王褒得妙故有梁朝風格焉

太宗則備

集王書聖鑒旁啟雖躡問井未登階陞質詎勝文貌能

全體無風骨揔法禮

文武皇帝諱世民神堯子當貞觀
年中鳩集二王真迹徵求天下併

充御武后君臨藻翰時欽順天矜而永保先業從人欲

而不顧兼金

則天皇后沛國武氏士毅女臨朝稱制號曰大周金輪皇帝時鳳閣侍郎石象公王

方慶即晉朝丞相導十世孫有累代祖父書迹保傳于家凡二十八人緝成一十一卷后問書於方慶方慶因而獻焉后不欲奪之遂盡模寫留內其本加玉飭錦繡歸還王氏人到于今稱之左史崔融撰王氏寶章集叙其事

具紀 睿宗垂文規模尚古飛五雲而在天運三光以窺

戶睿宗皇帝天皇第四子性淳和好書史尚古質書法正體不樂浮華開元應乾神武聰

明風骨巨麗碑版崢嶸思如泉而吐鳳筆為海而吞鯨

諸子多藝天寶之際迹且師于翰林嗟源淺而波細開元

天寶皇帝仁孝慈和自負英斷好圖書少工八分書及章草殊異英特開元中八分書北京義堂西岳華山東

欽定四庫全書

卷十
岳封禪碑雖有當時院中學士共討漢王童年自得書
摹勒然其風格大體皆出自聖心

意夙承義獻守法不二

漢王元昌
文皇帝弟

惠文靡倦博好敦勸

恨夫有始無終灰燼成空苟懼存而投閣徒營歿而昇

宮尚可謂梁園筆壯樂府文雄累聖重光之盛業六書

一藝之精工非所以抑至人之徇已服勇士以雕蟲責

繁聲于韶護徵艷色于蒼穹者也

岐王元範進冊惠文
太子開元皇帝弟時

天府圖書為張昌宗竊換張氏誅郕席臨稷稷殺為王
所得初不聞奏後索焉乃盡焚之言樂府文雄者王多
能好事有文詞爰有懷琳厥迹踈壯假他人之姓字作
特為歌者所唱

自己之形狀高風甚少俗態尤多吠聲之輩或浸餘波

李懷琳洛陽人國初時好為偽迹其大急就稱王書及
七賢書假云薛道衡作叙及竹林叙事併衛夫人咄咄
逼人嵇康絕交書並懷琳之偽迹也有姓謝名道士者
能為蠹紙嘗書大急就兩本各十紙言詞鄙下跋尾分
明徐唐沈范蹤跡烜赫勞茹裝背持以質錢貞觀中勅
隸搜尋彼之錢主封以御闕太宗殊喜賜緡二百疋懷
琳乃上別本因得待詔文林館故在內之本為貞觀印
頃年在右相林甫家後本在張懷瓘處尋傳易與李起
居若乃出自三公一家面首歐陽在焉不顧偏醜頓翹

縮爽了臭黝糺如地隔華戎屋殊戶牖學有大小夏侯
書有大小歐陽父掌邦禮子居廟堂隨運變化為龍為

光

歐陽詢長沙人統之子幼孤陳中書令江總收養書出于北齊三公郎中劉珉官至率更令太常少卿子

通亦能繼美張納言封渤海公

永興超出下筆如神不落踈慢無慙世

珍然則壯文璣而老成與貞白而德隣如層臺緩步高

謝風塵纂郁嗣聖體多拘檢如彼珷玞亂其琬琰

虞世南會

稽人荔之子迹居四公之上官至祕書監贈禮部尚書封永興公子纂孫洎皆能繼世煖爰武官在仗宿衛初

隋存猛將來護兒子烜齊皆負才學入唐繼登三仕版陸元方所云來護兒子把筆虞世南男帶刀言物極則

反一至于此

河南專精克倫克勤伏膺告誓銳思猗文恐無

成于畫虎將有類于效顰雖價重衣冠名高內外澆漓

後學而得無罪乎

褚遂良河南人兼愛子尚書左僕射河南公兼愛名亮東都人

效虞踈薄不逮少保師褚菁華却倍超石鼠之效能愧

隋珠之掩類

陸東之吳都人仁公子虞氏之出官為著作郎薛稷河東人太子少保

房文

昭則雅而能和穩而不訛精神正氣胸臆餘波若蘋萍

異品共泛中河

房喬字玄齡清河人彥誕子司空贈太尉文昭公

殷公王公兼

正兼署大乃有則小非無據騏驎將騰鸞鳳欲翥題二

膀而迹在數百川而身去

殷仲容陳郡人不害之孫令名之子奕世工書尤善書額

官至禮部侍郎中書汴州安業寺額京師哀義開業質聖寺東京太僕寺靈洲神馬觀額皆精妙曠古王知敬

太原人門傳孝義工正行善署書與殷殊途而同歸兼
草書弟知慎工圖畫並官至祕書少監當時雙絕與仲
容齊肩天后詔一人署一寺額仲容題資聖知敬題清
禪俱為獨絕洛川長史德政二賈碑在修行寺東南角
即知敬之迹極峻利豐秀清禪資聖寺至今路人識者
駐馬往觀普濟度寺即父令名手蹤皆為後代程式

王祕監則首末全真尊道重德或終紙而結字或重模
而足遵句反墨瀟落風規椎壯氣力播清譽而祖述屢見

賞于有識如曲圃鴻飛芳園桂植

王紹宗瑯琊人修季子官至祕書少監

虔禮凡草間閭之風千紙一類一字萬同如已疑于水

冷甘沒齒于夏虫

孫過庭字虔禮富陽人右衛冑曹叅軍

張長史則酒酣

不羈逸軌神澄回眸而壁無全粉揮筆而氣有餘興若

遺能于學知遂獨荷其顛稱

張旭吳郡人左率府長史俗號張顛

雖宜官

售酒子敬揮帚遐想邇觀莫能假手拘素屏及黃卷則

多勝而寡負猶莊周之寓言于從政乎何有

後漢師宜官工書嗜

酒每遇酒肆輒書于壁顧觀酒因大售計償賞足而滅之王子敬以帚泥書壁觀者如市已上皆言旭之可比

湖山降禮狂客風流落筆精絕芳詞寡仇如春林之絢

彩實一望而寫憂雍容省闈高逸豁達解朝服而歸鄉

斂霓裳而辭闕

賀知章字繼摩會稽永興人太子洗馬德仁之孫少以文詞知名工草隸書進

士及第歷官祕書監自號四明狂客

廣平之子令範之首姪姁鍾門逶迤

王後武都先覺翰墨泉藪子敬元常得門窺牖侍中簡

穆異代同友于孔門而升堂惜顏子之不壽

徐嶠之東海人廣平

太守子浩中書舍人國子祭酒李造隴西人武都公侍中簡穆即子雲僧虔

韓常侍則八分

中興伯喈如在光和美古今遠代昭刻石而成名類

神都之冠蓋

韓擇木昌黎人工部尚書歷右散騎常侍

赫赫許昌翰苑文房

徵前賢而少對當聖代而難方

田琦鴈門人德平之孫工八分小篆署書圖畫

寫洪崖子張氣雲棲并雪木行於世官歷陝令豫蘄許等州刺史蕪棗背有孫栖梧尤妙其事德平武德功臣

兼兵部尚書

衛包蔡隣功夫亦到出于人意乃近天造

衛包京兆

人工八分小篆通字學兼篆隸之術官至尚書郎蔡有隣濟陽人善八分本拙弱至天寶之間遂至精妙相衛

中多榮陽昆弟内外光華揮毫美麗俱是一家幼弟曰

逾丹書大誇信斲玉而剖石即揀金而披砂

鄭遷及弟邁逾並工

八分崔氏出中書令湜之甥遷官至後儀尉季弟逾善山水天寶中知名梁宋溫良之德書畫

兼美誠依仁而遊藝同上善之若水

皇室季權工八分弟樞工小篆姪平

鈞亦善小篆兼妙山水並冠絕一時淮安王神通曾詩錄權官歷金州刺史樞侍御史平鈞富詞學江陵掾

興入神畫筆雄精李將軍世稱高絕淵微已逾薛少保

時許美潤合極不如

右丞王維字摩詰瑯琊人詩通大雅之作山水之妙勝于李思訓弟

太原少尹縉文筆泉數善草隸書功起薛稷二公名望首冠一時時議論詩則曰王維崔顥論筆則曰王縉李

邕祖詠張說不得與焉幼弟統有兩兄之風閨門之內友愛之極

史侍御惟則必優世

業階乎籀篆古今折衷大小應變如因高而矚遠俯川

陸而必見

史惟則廣陵人殿中侍御史郎諫議大夫白之子白善飛白

通家世業趙

郡李君嶧山並驚宣父同羣洞于字學古今通文家傳

孝義意感風雲

李陽冰趙郡人父雍門湖城令陽冰兄弟五人皆負詞學工于小篆幼師李斯

嶧山碑後見仲尼吳季札墓誌便變化開闔如虎如龍勁利豪爽風行雨集文字之本悉在心胸識者謂之蒼頡

後身弟騰冰子解子均並詞塲高弟幼子
曰廣勤學孝義以通家之故皆同子弟也
延安君則快

速不滯若懸流得勢三原君則婉媚工密似垂楊應律

吾舅詳繪彭城人延安都督妹兄名
若山平原人京兆三原縣尉大理評事
宋儋李璆擅美中

州李師王而意淺宋祖鍾而體流
宋儋字藏諸廣平人
高尚不仕戶部侍郎

字文融薦授祕書省校書郎作鍾體而側挾放縱跡不
副名開元末舉場中後輩多師之李璆隴西人御史大

夫傑之兄子性疎達輕財重然諾筆路
緊媚亦有聲于代為狄宇清李漸所師
員外蕭公名成

于薛安西變體光潤愉悅
蕭公名誠蘭陵人梁之後起
家奉禮郎開元初時尚褚薛

公為之最拜右司員外郎善造班石文紙
用西山野麻及號州土穀五色光滑殊勝
張氏四龍名

揚海內中有季弟工夫少對右軍風規下筆斯在

張從申長

史文場擢第從師監察御史從儀灼然有才從申志業精絕工正行書握管用筆具于結密近古所無恨歷覽不多聞見遂寡右軍之外一步

呂公歐鍾相雜自是不窺意多榻書其真迹闕如也

一調雖則筋骨乾枯終是精神險峭其餘小楷尤更巧

妙

呂向東平人開元初上美人賦忤上時張說作相諫曰夫鬻拳脅君愛君也陛下縱不能用容可殺之乎

使陛下後代有愼諫之名而向得敢諫之直于小子為便耳不如釋之于是承恩特拜補闕賜綵百段衣服銀章朱綬翰林待詔頻上賦頌皆在諷諫兼上皇太子文章及書官至給事中中書舍人刑部侍郎文詞學業當代莫比有子曰廣聰利俊

吾兄則書包雜體道冠衆賢

秀有吏才並監察御史

手關目瞥瞬息彌年比夫得道家之深旨習閬風而欲

仙

家兄蒙字子全司議郎安南都護

馬家劉氏臨效逼斥安西蘭亭貌

奪真蹟如宓妃遺形于約素再見如在之古昔

翰林書人劉泰

妹婦

馬氏若乃押署則僧權似長松挂劍滿騫如盤石卧虎

徐僧權中山人滿騫富陽人

繁多乃懷充懷珍稀少乃延祖肩祖懷

充晉昌人姚懷珍武康人陳延祖長成人范肩祖順陽人熾文時有何安近觀雖止

姓名美其傲古恨連書于至寶無尺牘之行伍

沈熾文武康人

何安外國人翊子梁中書侍郎各作當時書證

至印驗則玉斲北書

太平公主武氏家玉

印有四北書今多丹駁墨塗有者蓋寡範云三藐母馱四字也金鐫篆字少能全一多

不越四國署年名家標望地獨行龜益即魏王恭家印並鏡寶

泉范陽功曹諱泉書印貞觀開元文止于二貞觀開元太宗玄宗所用印陶安

東海徐李斯祕陶安東海徐祭酒嶠之印李起居造印萬年方寸萬年方寸未詳

翰園所類前延王友寶永書印張氏永保張氏永保張懷環印任氏言事未詳

古小雌文東朝周顗東晉僕射周顗印審定寶家寶蒙審定議郎寶蒙書印

亭侯襲貴亭侯未詳猗歟劉鄭門承貂珥義仰彭城彭城

侯金部郎中劉繹書印司馬相國鄴侯安國郎中之季父今各有印鄴周印異李泌印宣

州長史
周昉印
或有慚于稽古諒無乏于雅致宋虞龢表聞

于明皇帝齊簡穆書答于竟陵王表委盡稱書乃備詳

宋中書侍郎虞龢上明皇帝表論古今妙蹟正行草楷
紙色籀軸真偽卷數無不畢備表本行于世真蹟故起

居舍人李造得之齊司空簡穆公處瑯琊王僧虔答竟
陵王子良書序古善書人詳議無不至當本行于世其

真蹟今御史大夫黎翰得之
梁高祖巧而未博
武帝行
評
邵陵王博而

未至
蕭綸亦
庾中庶失品格拘以文華
梁庾肩吾
傅五

兵比亡羊廣于職位
梁傅昭撰
名錄編于司馬
隋蜀王
府司馬

姚最撰
善狀集于散騎
左散騎常侍姚思
李亞相著藻

飾之繁

右御史大夫李嗣真撰書品

張兵曹擅習玩之利

率府兵曹鄂州長史

張懷瓘撰十體書斷上中下

考數公之著稱多約傳而立記余不敏

于登高豈虛言而求備敢直筆于親覩非偏譽于所嗜也至我小司空韋公曰述職該藝府才同史筆茂族挺生聖朝間出若乃闡異聞之旨接片善之勤則必忘疲吐握不間風塵所談而改觀成市所寶而增價為珍小擅聲于自我大推美于其人彼凡百而馳名既往遇此公而其德惟新可謂千載一時孤標絕倫矣

韋述京兆人尚書工

部侍郎

及乎驗德力之工拙知古今之優劣余稽古而翫

能因假能而有說非徒姓名記錄面首超越相質披文

虛空歲月者矣是用相如慕蘭撫新蹟而忘懷豈同賜

也望回抱遐心而結舌終冀乘時出處備展名節其或

萃傳岩

鍾紹京南康人書令光祿大夫聚寶捐金川流海納

而會潁川

家伯諱璣邠王

司馬耽說達

歸右史

李造拂鏡旁通傾心善價

而入補闕

席巽安定人右補闕

心專務得

祭酒

徐浩則法道存徵求非利

翰林之尋繹

張懷瓘兄弟懷璩盛王府

司馬並翰林侍詔俱

烏臺

潘履慎滎陽人監察御史克遵能事採翫芳猷

粉署

欽定四庫全書

之敦閱

蔡希寂濟陽人金部郎中習學潤身假借盈篋

欣給事之道弘

族兄紹給事中

志弘推道不倦虛求

仰議郎之區別

家兄銳思窮韓生委翰韓滉源增輝改觀

人給事中委質滕子擁決

滕昇歙州婺源縣令取捨若流通利泉藪

張氏旁

求懷瓘海陵人今鄂州司馬利於推擇道在常精

陸家胥悅

陸曜吳郡人卷緝餘芳事見前志

釋朏超彼岸

東京福先寺僧良朏新羅人俗姓林氏遇捎衣鉢逸冠濟流

梅仙行無

轍高置直渤海人同官尉氣合古風利加能事

溫播金聲

溫晃太原人國子簿悉心景慕徒衆

博崔含冰潔

崔曼倩清河人鄂縣尉浩汗經營見如不及

若驚趙陳

陳閭穎川人陳

王府長史趙徵明天水人或志敦習學或自閱古能習玩之無數也

賈勇徐薛

徐守行東海人監察

御史薛邕河東人郎中或推右關郭雙奮飛關偽隴西人郭暉太

招致或究能傳後並求之不已潘淑會稽人素明陳郡人

原人或規規耽潘淑會稽人素明陳郡人好或楚楚傳寫潘淑會稽人素明陳郡人

簪纓布素申道開記既輻輳而川流並觀光于後哲遠

珠玉之無脛可得畧而言焉曰長安則穆聿聿咸陽龐店人少以

販書為業後至德中因告訐徵搜古迹并強括石泉公

家則天后所述書功白身授金吾長史改名禪乘危

射王白遼東人詞導其源葉豐括州人貌田穎長安人

利王白荒智狡

書苑菁華

十三

滯委其軀必拾遺市駿懷寶飛鳬洛陽則杜福河南人

巧劉翌洛陽人節

窮彌固齊光河南人道

趙晏河南人

志尚識

到樂忘劬皆誇目動利實有若無詩不云乎匪斧語有

之曰反隅若或微數子之運用甘千里之殊途則我雞

犬而無來無往子衣裳而不曳不裾成一家之憬彼睽

四海之友于

言通貨利

事符道因心與目親幾變灰炭涉歷

冬春互為賓主往反周秦左靖吾兄業窮幽遠

名錫同州別駕

龍興張揖道契貞淳

與潘淑獻書拜官今任龍興縣尉

雅興閉關以隨

扣古風開卷以襲人不然者何窮獨而恣怡悅何市朝

而貪隱淪

言荷往來

衆矣森然往哲來賢一朝而星羅入胝

百代而雲被及肩身已沒兮若休迹遺芳而可傳彼金
印玉璽豐碑貨泉蟲篆制而八分間矣正隸興而藁草
行焉不可量乎所覩又何極乎備宣若乃流譽前代效
蹟當年錄軍機而羽括鷹隼還國命而發揮貂蟬通親
支以感節啟咨謀以聞天接武波委嗣芳鱗連則余不
讓于賦頌敢分蚩而別妍恃乎幼好而晚知之至熟也
曲察而直言之而無愧者將拭目而衆利輕言入掌而
百憂寫其藤苔練穀衡理蜀幅花麻黃詢緇赭紺綠淪壓

而邇蠹亡文

蓄非其人雖邇朝亦朽蠹

保持而遠完纖卷

藏之得地雖遠古亦

克全上智所以懸解

直曉

中庸所以交戰

疑之

取迷伊他貽笑

鄙賤則有烏絲縹首紫靈露面好丹時更悲素色變狀

玄豹之霧隱規雕虎之風扇雖置水彌旬移裝屢遍益

深沉于直質乃容易于覽見嗟乎捨不疑于古跡取憑

假於俗眩

眩惑

誘淺情于末興肆凡賞而留眄何其妄哉

寧知立法而虧真作德而還淳忘情是悅代有其人

言定

是作必也易背以時

時在正夏

受彩無欺敏洽和之妙道得潤

軌之成規

用麪調適候陰以成

踈密苦樂殊形異宜

厚薄完蠹

上約下

豐始增末卑

接上下前後例

沽將實名位充合離

改折署榜餘地

或附

卷均端是使其夷

薄而蠹者

或鳴砧妥帖然後呈姿

厚而完者

探

尋源流志逸肥遁緝合截剪躬勞不悶明齊短長閤結

分寸誠忽忽于或躁祛恨恨之遺恨至如虹紫絲帶鸞

舞錦標青間綾文出之衣表檀心鼉首金映銀絡舒囊

貌妍撫卷秀作多此飭類又難詳備

並言對檢裝背也

若乃見

稀意欲雖可棄而崑山片玉翫久厭充雖可保而紈扇

秋風競捨茲而易彼誇視審而聽聰或芟穢于匿迹或
與真于矜工夥哉耳誤甚矣目窮因既原乎識量遂懸
別其淹通已分流而茲在徒並驚而爭雄

言申易之

假使作

偽心勞亂真首出眯目童幼摧殘紙筆終令君子棄
瑕以拔材壯士斷腕以全質期補勞于得喪勵採葑于
始卒子猷之竹在焉曷可無其下月

言務弘道

夫喻大始于

事卑方崇極于類聚况物著公器賞推善主異清白而
非弓裘豈孫謀而紹宗祖抑如堯禪舜舜命禹道必貴

乎聲同天無親而德輔歸可保于授受靡自私而禦侮
故知垂其趨者則密戚而心捐合其軌者則舉讎而掌
傳亮玉帛之利末望我徒之義先

先林傳林後紀
樂成以終也

至其

罷琴閒堂散裘虛牖閱新連之卷軸傾舊滿之樽酒暢
懷古而遺形荷逢時而濡首炎涼所寄偃仰無咎煙積
孤松春遇五柳想薜蘿而在眼狎鸞鳳而盈手善隣得
朋知我益友暗遺名利卧度卯酉遂志願兮苟若斯生可
憑兮死不朽雖金翠溢目陶匏聒耳徒潤色于多歡實

無階于競美賢賢易色勿藥有喜茅居食貧陋巷飲水
誓將敦素業而畢矣振清風而何已亂曰資樂道兮善
莫大佐玄覽兮寄所賴芝蘭滿室兮遺美芳朋友忘言兮
古人會想賢翫蹟儼如在史冊悠悠幾千載

大厯四年七月點發行來尋繹精嚴痛推心骨其人
已往其跡今存追想容輝涕淚鳴咽

議郎竇蒙五言題此賦

受命別家鄉思歸每斷腸姜肱留被在子敬與琴亡我

弟當平昔才名荷寵光作詩道小雅獻賦掩長楊流轉
三千里悲啼百萬行庭前紫荊樹何日再芬芳

述書賦語例字格

議郎竇蒙

吾弟尚輦君字靈長翰墨厠張王文章凌班馬詞藻雄
贍草隸精深平生著碑誌詩篇賦頌章表凡十餘萬言
較其巨麗者有天寶所獻大同賦三殿蹴踘賦以諷興
諫諍為宗以匡君救時為本帝乃咨爾可編策書中使
三人榮曜戚里龍章鳳篆寵錫儒門及乎晚年又著述

書賦摠七千四百六十言精窮旨要詳辨祕義無深不
討無細不因徵五典三墳九丘八索詩騷禮易文選詞
林猶不盡所知故別結語立言曲中幽奧一字一句數
義旁通尚輦君學究天人才通話訓注解分析皆憑史
傳注有未盡在此例中意有未窮出此格上凡古今時
哲正文呼字尊貴長老各言其親或取便引官或因言
稱爵句則兩字三字五字四字而于以間之其或六或
八改時革命之際舉不相從慮學者致疑仍施朱點發

此則語之理例別有字格存焉凡一百二十言并注二百四十句且褒與貶還同謚法披文感切撫已崩摧手迹宛然如向來之放筆天才卓爾成千載之分襟孝義銘心言笑在目一枝先折痛貫肝腸一眼先枯哀纏骨髓

字格

凡一百二十言并注二百四十句

亡情

鵬鶚向風自然騫翥

天然

駕鴻出水更好客儀

質朴

天仙玉女粉黛何施

斷磨

錯絲雕文方申巧妙

體裁

一摹一楷盡有憑據

意態

回翔動靜厥趣相隨

不倫

前濃後薄
半敗半成

枯槁

欲北還南
氣脈斷絕

專成

直師一家
今古不雜

有意

志立乃就
非工不精

正

衣冠蹈抱
若行若止

行

劍履趨鏘
如步如驟

草

電掣雲奔
龍蛇出沒

章

草中楷古
踧踏擺打

神

非意所到
可以識之

聖

理絕名言
潛以意得

文

經天緯地
可大可久

武

回戈挽弩
拉虎拿豹

能

千種風
流曰能

妙

百般滋
味曰妙

精

功業雙
極曰精

古

除却常
情曰古

逸

縱任無
方曰逸

高

超然出
衆曰高

偉

精彩照
射曰偉

老

無心自
達曰老

喇

超能越
妙曰喇

嫩

力不副
心曰嫩

薄

闕于圓
倫曰薄

强

筋力露
見曰强

穩

細備中正曰穩

快

興趣不停曰快

沉

深而意遠曰沉

緊

團合密緻曰緊

慢

舉止間詳曰慢

浮

若無所歸曰浮

密

間不容髮曰密

淺

凌于俗流曰淺

豐

筆墨相副曰豐

茂

字外情多曰茂

嚴

體外有餘曰嚴

宏

裁制絕壯曰宏

實

氣成風雲曰實

輕

筆運流便曰輕

瘠

瘦而有瘠力曰瘠

疎

違犯陰陽曰疎

拙

不依智巧曰拙

重

質勝于文曰重

纖

文過于質曰纖

貞

骨清神重曰貞

艷

少古多今日艷

峻

頓挫穎達曰峻

潤

旨趣盈溢曰潤

險

不期而然曰險

怯

下筆不
猛曰怯

畏

無端羞
澁曰畏

妍

透迤排
折曰妍

媚

意居形
外曰媚

謹

藏鋒隱
銳曰謹

細

運用精
深曰細

熟

過猶不
及曰熟

雄

別具英
威曰雄

雌

氣候不
足曰雌

飛

若滅若
沒曰飛

爽

肅穆飄
然曰爽

動

如欲奔
飛曰動

成

一家體
度曰成

禮

動合典
章曰禮

法

宣布周
備曰法

典

從師約
法曰典

則

可以傳
授曰則

偏

惟守一
門曰偏

乾

無復光
輝曰乾

滑

遂乏風
彩曰滑

駛

波瀾驚
繞曰駛

放

流浪不
窮曰放

拔

輕逸超
脫曰拔

閒

孤雲生
遠曰閒

鬱

勝勢風起曰鬱

秀

翔集難名曰秀

求

興致不弘曰求

穠

五味皆足曰穠

峭

峻整勁利曰峭

散

有初無終曰散

質

自少妖妍曰質

魯

本宗淡泊曰魯

肥

適臨洞穴沒而有餘

瘦

鶴立喬松長而不足

壯

力在意先曰壯


寬

踈散無檢曰寬

大厯十年龍集乙卯二月乙丑陝州大都督府夏縣

尉竇士正初校

檢校國子司業太原縣令竇蒙再校



書苑菁華卷十

欽定四庫全書

子部
書苑菁華卷十一

詳校官中書臣孫溶

編修臣程嘉謨覆勘

總校官編修臣王燕緒

校對官中書臣李斯咏

謄錄監生臣陳瑞

欽定四庫全書

書苑菁華卷十一

宋 陳思 撰

書論上

後漢趙壹非草書說

余郡士有梁孫達姜孟隸者皆當世之彥哲也然慕張
生之草書過於希顏孔焉孫達寫書以示孟隸皆口誦
其文手摺其篇無怠倦焉於是後學之徒競慕仁賢守

令作篇人撰一卷以為祕玩余懼其背經而趨俗此非
所弘道興世也又想羅趙之所見嗤沮故為說草書本
末以慰羅趙息梁姜焉竊覽有道張君所與朱使君書
稱正氣可以消邪人無其釁妖不自作誠可謂道信抱
真知命樂天者也若夫褒杜崔沮羅趙忻忻有自藏之
意者無乃近於矜技賤彼貴我哉夫草書之興也其於
近古乎上非天象所垂下非河洛所吐中非聖人所造
蓋秦之末刑峻網密官書煩冗戰攻並作軍書交馳羽

檄分飛故為隸草趣急速耳示簡易之指非聖人之業也但貴刪難省煩損複為單務取易為易知非常儀也故其讚曰臨事從宜而今之學草書者不思其簡易之旨真以為杜崔之法龜龍所見也其搏扶拄拑詰屈反乙不可失也亂齒以上苟枉涉學皆廢倉頡史籀競以崔杜為楷私書相與之際每書云適迫遽故不及草草本易而速今反難而遲失指多矣凡人各殊氣血異筋骨心有疎密手有巧拙書之好醜係心與手可強為哉

若人顏有美惡豈可學以相若耶昔西施心疾捧胸而
顰衆愚效之祇增其醜趙女善舞行步媚盡學者勿獲
失節匍匐夫杜崔張子皆有超俗絕世之才博學餘暇
遊手於斯後世慕焉常用為務鑽堅仰高忘其罷勞夕
惕不息晷不暇食十日一筆月數丸墨領袖如皁脣齒
常黑雖處衆坐不遑談戲展指畫地以草剗壁臂穿皮
刮指爪擢折見膚出血猶不休輟然其為字無益於工
拙亦如效顰者增醜學步者之失節也且草書之人蓋

技藝之細者耳鄉邑不以此較能朝廷不以此科吏博
士不以此講經試科不以此求備徵聘不問此意考績不
課此字徒善字既不達於政而拙草無損於治推斯言
之豈不細哉夫務內者必闕外志小者必忽大俯而捫
虱不暇見天天地至大而不見者才銳精於蟣虱乃不
暇焉第以此篇研思銳精豈若用之於彼七經稽厯協
律推步期程探賸鉤深幽贊神明覽天地之心推聖人
之情折疑論之中理俗儒之諍依正道於邪說濟雅樂

於鄭聲興至德之和睦弘大倫之玄清窮可以守身遺
名達可以尊主致平以茲命世永堅後生不以淵乎

晉王右軍自論書

吾書比之鍾張鍾當抗行或謂過之張草猶當雁行張
精熟過人臨池學書池水盡墨若吾耽之若此未必謝
之後達解者知其評之不虛我盡心精作所久尋諸舊
書惟鍾張故為絕倫其餘為是小佳不足在意去此二
賢僕書次之頃得書意轉深點畫之間皆有意自有言

所不盡得其妙者事事皆然平南李式諭君不謝

平南即古

軍叔平南將軍王
展也李式晉侍中

南齊王僧虔論書

案僧虔此論本與人書故自
傳告起至聊呈一笑云云謂

呈此論并先叙作論之意也自鍾公以下至
於謝敷所論之人並依世先後次之南史本
傳刪節止載宋文帝以下數段今抄全文不
當亦以宋文帝為首也蓋傳寫謬誤今悉正
之

辱告並五紙舉體精雋靈奧執玩反覆不能釋手雖太
傳之婉媚玩好領軍之靜述合緒方之蔑如也昔杜度

殺字甚安而筆體微瘦崔瑗筆勢甚快而結字小踈居處二者之間亦猶仲尼方於季孟也夫工欲善其事必先利其器伯喈非流紈體素不妄下筆若子邑之紙研染輝光仲將之墨一點如漆伯英之筆窮神盡思妙物遠矣邈不可追遂令思挫於弱毫數屈於陋墨言之使人於邑若三珍尚存四寶斯覲何但尺素信札動見模式將一字經丈方寸千言也承天涼體豫復欲善寫一賦頃遲暉采心目俱勞承閱覽祕府備覩羣跡崔張歸

美於逸少雖一代所宗僕不見前古人之跡計亦無以過於逸少既妙盡深絕便當得之實錄然觀前世稱目竊有疑焉崔杜之後共推張芝仲將謂之草聖伯玉得其筋巨山得其骨索氏自謂其書為銀鉤蠶尾談者誠得其宗劉德昇為鍾胡所師兩賢並有肥瘦之斷元鳴獲針壁之翫師宜致酒簡之多此亦不能正長脗狸骨右軍以為絕倫其功不可及由此言之而向之論或至殺仗耶呈一笑不妄言耳

鍾公之書謂之盡妙鍾有三體一曰名石書最妙者也
二曰章程書世傳秘書教小學者也三曰行押書行書
是也三法皆世人所善張超字子益河間人衛覲字伯
儒河東人為魏尚書僕射謚敬侯善草及古文畧盡其
妙草體如傷瘦而筆跡精秩亦行於代子瓘字伯玉晉
司空太保為楚王所害瓘採張芝草法取父書參之更
為藁草世傳其善瓘子恒字巨山亦能書索靖字幼安
燉煌人散騎常侍張芝之孫也傳芝草而形異甚矜

其書名其字勢曰銀鈎蠅尾

韋誕字仲將京兆人善楷書漢魏宮觀題署多是誕手
魏明帝起凌雲臺先釘榜未題籠盛誕轆轤長絙引上
使就榜題去地將二十五丈誕危懼誠子孫絕此楷法又
著之家令官至大鴻臚

宋文帝書自謂不減王子敬時議者云天然勝羊欣功
夫不及欣

王平南廩是右軍叔自過江東右軍之前推廩為最畫

為晉明帝師書為右軍法

亡曾祖領軍洽右軍云弟書遂不減吾變古制今惟右軍
領軍不爾至今猶法鍾張

亡從祖中書令珉筆力過於子敬書舊品云有四足素
几自朝操筆至暮便竟首尾如一又無誤字子敬戲云
第書如騎驟駸駸恒欲度驛驢前

庾征西翼書少時與右軍齊名右軍後進庾猶不服在
荊州與都下書云小兒輩乃賤家雞皆學逸少書須吾

還當比之

張翼書右軍自表書晉穆帝令翼寫放題後答右軍右軍當時不別久方覺云小子幾欲亂真張芝索靖韋誕鍾會二衛並得名前代古今既異無以辨其優劣惟見筆力驚絕耳

張澄書當時亦呼有意

却惜章草亞於右軍

晉齊王攸書京洛以為楷法

李式書右軍云是南平之流可比庾翼王濛書亦可比
庾翼陸機書吳士書也無以校其多少庾亮書亦能入
錄

亡高祖丞相導亦甚有楷法以師鍾衛好愛無厭喪亂
狼狽猶以鍾繇尚書宣示帖衣帶過江後在右軍處右
軍借王敬仁敬仁死其母見修平生所愛遂以入棺

郗超草書亞於二王緊媚過其父骨力不及也

桓玄書自比右軍議者未之許云可比孔琳之謝安亦

入能流殊亦自重乃為子敬書稽中散詩得子敬書有
時裂作校紙

羊欣丘道護並親授於子敬欣書見重一時行草尤善
正乃不稱孔琳之書天然絕逸極有筆力規矩恐在羊
欣後丘道護與羊欣俱面受子敬故當在欣後

范曄與蕭思話同師羊欣然後范背叛皆失故步名亦
稍退蕭思話全法羊欣風流趣好殆當不減而筆力恨
弱

謝靈運書乃不倫過其合時亦得入流昔子敬上表多在
中書雜事中皆自書竊易真本相與不疑元嘉初方就索
還上謝太傅殊禮表亦是其例親聞文皇說此謝綜書其
舅云緊潔起生寔為得賞至不重羊欣欣亦憚之書法存
力恨少媚好

顏騰之賀道力並便尺牘

康昕學右軍書亦欲亂真學南州識道人作右軍書貸
孔琳之書放縱快利筆道流便二王後畧無其比但工

夫少自任故未盡其妙故當劣於羊欣

謝靜謝敷並善寫經亦入能境居鍾毫之美邁古流今
是以征南還有所得

梁庾元威論書

所學正書宜以殷鈞范懷約為主方正循紀修短合度
所學草書宜以張融王僧虔為則體用得法意氣有餘
章表牋書於斯足矣夫才能則闕性分耽嗜殊防大業
但令緊快分明屬辭流便字必須體語輒投聲若以已

已莫分東東相亂則兩王妙迹二陸高才頃來非所用也王延之有言曰勿欺數行尺牘即表三種人身豈非一者學書得法二者作字得體三者輕重得宜意謂猶須言無虛出斯則善矣近何令貴隔勢傾朝野聊爾踈漏遂遭十穢之書今聊存兩事書曰有寒士自陳簡於掌選詩云伎能既寡薄支葉復單貧柯條滋垂景木石詎知晨狗馬雖難畫犬羊誠易馴效頃終未似學步豈如真是云亂朝緒是曰數彙倫俗作於茲混人途自此

屯離合之詩由來久矣不知訛刺爰加稱贊是其第六
穢也近來貴宰子二品清宦進不假手作書而筆迹過
鄙無法度被參拜忽云永感答人借車還白不具真本
流傳合朝耻辱是其第七穢也以此而言書何容易且
梁制與平吉人牋書有增懷語者不得答書許乃告絕
私弔答中彼此言感恩乖錯者州望須刺大中正處入
清議終身不得仕盛名年少宜留意勉之余見學阮研
書者不得其骨力婉媚惟學孿拳委盡學薄紹之書者

不得其批研淵微徒自經營嶮急晚途別法貪省愛異
濃頭纖尾斷腰頓足一八相似十小難分屈等如勺變
前為學盛言祖述王蕭無妨自有訛繆星不從生籍不
從來許慎門徒居然喁喁衛恒子弟寧不傷嘆貽誤衆
家豈宜攻習書字之興由來尚矣沮誦蒼頡黃帝史也
周宣王時柱下史史籀始著籀書今六體之法誰存十
五之篇亡矣及秦相李斯破大篆為小篆造蒼頡七章
中車府令趙高造爰厯六章太史胡毋敬造博學七章

後人分五十章為三蒼上卷至哀帝元嘉中揚子雲作
訓纂記滂喜為中卷和帝永元中賈升郎更續記彥盤音
均為下卷皆是記字字出衙人故稱為三蒼也夫蒼雅
之學儒博所宗自景純注解轉加敦尚漢晉正史及古
今字書並云蒼頡九篇是李斯所作今竊尋思必不如
是其第九章論狝信京劉等郭云狝信是陳狝韓信京
劉是大漢西土是長安此非讖言豈有秦時朝宰談漢
家人物牛頭馬腹先達何以安之江左碩儒相傳梁初

復有任昉及沈約悉未有譏駁余忽橫議變本自許敬
侯明哲定其可印而自韻集方言廣雅凡錄字者十有
四家許慎穿鑿賈氏乃奏說文曹產開拓許侯爰成字
苑說文則形聲具舉字苑則品數周悉追悟典墳字弗
全體周禮以雞斯為筭纚禮記以相近為禳祈致令衆
議叢殘音辭駁互盖由程邈變隸流傳未一鄭公詩譜
頗顯其源且書文一及草木相從凡五百六十七部合
一萬五千九百一十五字即曰世中所行十分裁一而

今點畫失體深成怪也近有居士阮孝緒撰古今文字
三卷窮搜正典次丹陽五官丘稜撰文字指要三卷精
加摘發惟此兩書可稱要用余少值明師留心字法所
以坐右作午魯字不依義獻妙跡不逐陶葛名方作純
羹不效晉書不循韻集爰以淺見輕述字府自謂此文
或均螢露齊末王融圖古今雜體有六十四書少年崇
倣家藏紙貴而鳳魚蟲鳥是七國時書元長皆作隸字
故貽後來所詰湘東王遣沮陽令韋仲定為九十一種

次功曹謝善助增其九法合成百體其中以八卦書為
一以大小為兩法徑丈一字方寸千言大小各得可稱神
書惟有業殺刁斗出於古罷余等由乎內典散隸露書
終是飛白意謂此等並非通論今所不取余經為正皆
侯書十牒屏風作百體間以朱墨當時衆所驚異自爾
絕筆惟留草本而已其百體者懸針書垂露書秦望書汲
冢書金鵲書玉字書鵲頭書虎爪書倒薤書偃波書幡
信書飛白篆頽古書籀文書奇字書繆篆制書列書日書

月書風書雲書星隸填隸虫食葉書科斗書署書胡書
籀書相書天竺書轉宿書一筆篆飛白書一筆隸飛白
草古文隸橫書楷書外科隸此五十種皆純墨璽文書節文
書具文書符文書芝英隸花草隸籀信隸鐘鼓隸龍虎篆
鳳魚篆騏驎篆仙人篆科斗篆雕虫篆雲篆虫篆魚篆鳥篆
龍篆龜篆虎篆鸞篆龍虎隸鳳魚隸麒麟隸仙人隸科
斗隸雲隸虫隸魚隸鳥隸龍隸龜隸鸞隸池龍文隸龜書龜
文隸鼠書牛書虎書兔書龍草書蛇草書馬書羊書猴書雞

書大書灰書十二時書已上五十種皆采色其外復有大篆小篆銘鼎摹印刻符石經象形篇章震書到書反左書等及宋中庶宗炳出九體書所謂縑素書簡秦書牋

書吊記書行押書檄書藻書半草書金車書此九法極真草書之次第焉刪捨之外所存猶一百二十體張芝始作一筆飛白書此於井冊等字為妙所以惟云一筆飛白書則無所不通矣反左書者大令中東宮學士孔敬道所創余見而達之於是座上訓答諸君有無識者

遂呼為衆中清閒法今學者稍多解者益寡敬道又能
一筆草書一行一斷婉約流利特出天性頃來莫有繼
者宗炳又造畫瑞應圖甚卓絕王元長頗加增定乃有
虞舜獬豸周穆狡狴漢武神鳳衛君舞鶴五城九井螺
杯魚硯金滕玉英玄圭朱草等凡二百一十物余經取
其善草嘉禾靈禽瑞獸樓臺罨物可為翫對者盈縮其
形狀叅詳其動殖制一部焉此乃青出於藍而寶世中
未有復於屏風上作雜體篆二十四種寫凡百名將恐

一筆鄣於凡百屏風傳者逾繆併懷嘆息世本云史皇
作圖皇帝臣也其唐虞之文章夏后之鼎象則圖畫之
宗焉其後繪事逾精丹青轉妙乃有釘女心痛圖魚獺
集敬君以之亡婦王嬙由此失身近代陸緩足稱畫聖
所聞談者一筆之外僅可蟬雀顧長康稱為三絕於是
半癡人耳雜體既資於畫所以附乎書末

唐徐浩論書

周官內史教國子六書書之源流其來尚矣程邈變隸

體邯鄲傳楷法事則朴畧未有一功能厥後鍾善真書張
稱草聖右軍行法小令破體皆一時之妙近古蕭永歐
虞頗傳筆勢褚薛已降自鄆不譏矣然人謂虞得其筋
褚得其肉歐得其骨當矣夫鷹隼乏彩而翰飛戾天骨
勁而氣猛也鸞翟備色而翱翔百步肉重而力沈也若
藻曜而高翔書之鳳凰矣歐虞為鷹隼褚薛為鸞翟焉
率更云蕭書出於章草頗為知言然歐陽飛白曠古無
比徐浩自言余年在亂齟便工翰墨力不可強動而愈

拙區區碑石之間矻矻几按之上亦古人所耻吾豈忘情
耶德成而上藝成而下則殷鑑不遠何學書為必以一
時風流千里面首斯亦愈於博奕亞於文章矣初學之
際宜先筋骨筋骨不立肉何所附用筆之勢特須藏風
若不藏字則有病病且未去能何有焉字不欲踈亦不
欲密亦不欲大亦不欲小小長令大大蹙令小踈肥令
密密瘦令踈斯其大經矣筆不欲捷亦不欲徐亦不欲
平亦不欲側側欲令平平峻使側捷則須安徐則須利如此則其

大較矣張伯英臨池學書池水盡黑永師登樓不下四十餘年張公精熟號為草聖永師拘滯終能著名以此而言非一朝一夕所能盡美俗云書無百日工蓋悠悠之談也宜白首攻之豈可百日乎

唐張懷瓘文字論

論者文字者摠而為言若分而為義則文者祖父字者子孫察其物形得其文理故謂之曰文母子相生孳乳寢多因名之為字題于竹帛則名之曰書文也者其道煥

馬日月星辰天之文也五岳四瀆地之文也城闕相儀
人之文也字之與書理亦歸一同文為用相須而成
名言諸無宰制羣有何幽不貫何遠不經可謂事簡而
應博範圍宇宙分別川原高下之可居土壤沃瘠之可
殖是以大荒籍矣紀綱既正人倫顯明君父尊嚴而愛敬盡
禮長幼班列而上下有序是以大道行焉闡典墳之大
教成國家之盛業者莫近乎書其後能者加之以玄妙
故有翰墨之道充焉世之賢達莫不珍貴時有吏部蘇

侍郎晉兵部王員外翰俱朝瑞英秀詞場雄伯謂僕曰
文章雖久遊心翰墨近甚留意若此妙事古來少有知
者今擬討論之欲造書賦兼與公作書斷後序王僧虔
雖有賦王檢制其序殊不足動人如陸平原文賦實為
名作若不造其極境无由伏後世人心若不知書之深
意與文若為差別雖窮其精微粗具梗槩公試為僕言之
僕答曰深識書者唯觀神彩不見字形若精玄鑑意則
物無遺照何有不通王曰幸為木石言之僕曰文則數

言乃成其意書則一字已見其心可謂簡易之道欲知其妙初觀莫測久視彌深雖書已緘而心迫目極情猶眷眷者是為妙矣然須考其發意所由從心者為上從眼者為下先其草創立體後具因循者名雖功用多而有聲終性情少而無象同乎精粗其味可知不由靈臺必乏神氣其形雜者其心不長狀貌顯而易明風神隱而難辨有若賢才君子立行立言言則可知行則不見自非冥心玄照閉目深觀則識不盡矣可以心與非可言宣別

經旬月後見乃有愧色云書道亦大玄妙翰與蘇侍郎
初並輕忽之以為賦不足言者今始知其極難下語不
比於文賦書道尤廣雖流思多日言不盡意竟不能成
僕謂之曰員外用心尚踈在萬事皆有細微之理而況
乎書凡展臂曰尋倍尋曰常人間無不盡解若知者出
乎尋常之外入乎幽應之間追虛補微探竒掇妙人雖
思之則盡不能解用心精麤之異有過於是若心不有異
照口必不能異心況有異能之事乎請以此理推之後

見蘇云近與王員外相見知不作賦也說云引喻少語不能盡會道之訖更共觀張所商榷先賢書處看見所品藻優劣二人平章遂能觸類比興意且無限言之無涯古昔已來未之有也若其為賦應不足難蘇言訖因謂僕曰看公於書道無所不通自運筆到今窮於精妙何為與鍾王頓爾遼濶公且自詳書至何境界與誰等倫僕答曰天地無全功萬物無全用妙理何可備該常嘆書不盡言僕雖知之於言古人得之於書且知者博

學聞見或能知得者非假以天資必不能得是以知之
與得又書之比言俱有雲塵之懸所令自評敢違雅意
夫鍾王真行一今一古各有自然天骨猶千里之跡邈
不可追今之自量可以比於虞褚而已其章草諸賢未
盡之得性張有道創意物象近於自然又精熟絕倫是其
長也其書勢不斷絕上下鈎連雖能如珠並集苦不能
區別一家尊幼混雜百年檢探可知是其短也夫人識
在賢明用在斷割不分涇渭餘何足云僕今所制不師

古法探文墨之妙有索萬物之元精以筋骨立形以神精潤色雖迹在塵壤而志出雲霄靈變無常務於飛動若擒虎豹有強梁擎攫之形若執蛟螭見吻嚙盤旋之勢採彼意象入此規模忽若電飛或疑星墜氣勢生平流便精魄出於鋒芒觀之欲其駭目驚心肅然凜然如可畏也數百年內方擬獨步其間自評若斯僕未審如何也蘇笑曰今公自評言乃自飾文雖矜耀理亦兼通達人不已私盛德亦微損其後僕賦成往呈之遇褚

欽定四庫全書

書苑菁華卷十一